



Randi Vestergaard Evaldsen
Medlem af Inatsisartut, Demokraatit

Ilinniarfimmik sanaartorneq ilinniartullu inaat pillugit § 37 naapertorlugu apeqqummut nr. 166-imut akissut

07-08-2018
Suliap nr. 2018 – 15591

Postboks 1029
3900 Nuuk
Oqa: +299 34 50 00
Email: ikin@nanoq.gl
www.nanoq.gl

Asasara Randi Vestergaard Evaldsen,

Inatsisartut suleriaasiat naaperlugu apeqqutinnut qujanaq. Taakku ataani akissavakka.

Apeqqut 1: Naalakkersuisut ilinniaqqiffissaasinnaasunik soorlu Niuernermik ilinniarfik aammalu saviminilerinermik ilinniarfittut ittunik sanaartornissamik pilersaaruteqarnerlutik?

Akissut:

Aningaasaliissuteqartarnermi piginnaatitsissutit pisariaqartut pissarsiarineqarsinnaanerit sillimaffigalugu Savimilerinermik Ilinniarfimmik Sisimiuni sananissaq Naalakkersuisut anguniagaraat, Nuummi Saviminilerinermik Ilinniarfik ukiunit pingasuniit tallimatut atasinnaasutut ullumikkut nalilerneqarpoq. Anguniagaavoq Sisimiuni sanaartorneq Nuummi Saviminilerinermik Ilinniarfiup atorneqarsinnaanerani ingerlanneqassasoq.

Naalakkersuisut taamaammat Sisimiuni Savinilerinermik Ilinniarfimmik nutaamik sanaartornissap pilersaarusiornissaa aallartinniartaat. Ilimagineqarpoq pilersaarusiorneq taanna augustip naanerani imaluunniit septembarip aallartinnerani aallartinneqassasoq.

Niuernermut Ilinniarfimmut tunngatillugu Nuummi illumik nutaamik sanaartornissaq Naalakkersuisut maannakkut pilersaarutigingilaat. Ullumikkut nalilerneqarpoq Nuummi Niuernermik ilinniarfik ukiunit qulini atasinnaasoq. Akerlianik Campus Kujalliup aamma TNI-mi ilinniarnernik kiisalu Sullissinermit Økonom-itut ilinniarnermik ingerlanneqartup maannakkut allilerneqarpoq. Alliniinerup taassuma novembarip qiteqqunnerani naammassinissaa ilimagineqarpoq.

Apeqquut 2: Naalakkersuisut qanoq akeqassanersoq nalilerpaat nutaamik ullutsinnullu naleqquttumik ilinniaqqiffiusinnaasunik soorlu Niuernermik ilinniarfik Nuummi Qaqortumilu aammalu savimminilerinermik ilinniarfimmik Nuummi pilersitsisoqassagualarpat?

Akissut:

BDO tunuliaqut pillugu nalunaarusiamini *“Ilinniarfinnik sisamanik nuussineq”* 2017-imeersumi missingivoq, nuussinermi Saviminilerinermik Ilinniarfimmik nutaamik sanaartorneq 139 mio. kr.-inik akeqassasoq. Kisiannili sanaartornermi akia pilersaarusiordermi sukumiinerusumik nalilersorneqassaaq.

Campus Kujalleq Qaqortumik iluarsaassineq allilerinerlu, tassani illuni inuussutissarsiutinut ilinniarnert, GUX ingerlaqqillunilu sivikitsumik ilinniarnertut illuni taakkunaniissinnaallutik, katillugit 104,4 mio. kr.-inik aningaasalersorneqarput.

Apeqquut 3: Naalakkersuisut ilinniaqqiffissanik pilersitsinissamik pilersaaruteqarnerlutik soorlu Savalimmiuni Glasir assigalugu pitsaasunik malitseqarsinnaasunik kinguneqarsinnaasut? Taamaappat pilersaarutit sumut killinnerinik Naalakkersuisut saqqummiussinisaat piunaffigaakka.

Akissut:

Ilinniarfimmik assersuutigalugu Savalimmiuni Glasir-itut ittumik pilersitsinissamik Naalakkersuisut maannakkut pilersaaruteqanngillat. Kisiannili pisut imminnut pitsaasumik sunneeqatigiinnisaat pillugu periarfissat assigiinngitsut ilinniartitaanermik aaqqissuusseqqinnissamik suliaqarnermut tapiliullugu misissorneqarput. Uani eqqarsaatigineqarput meeqqat atuarfiata, inuusuttut ilinniagaasa, inuussutissarsiutinut ilinniarnert ingerlaqqillunilu ilinniarnert imminnut ataqatigiissinnaanerit. illoqarfiit campuseqarfiusinnaasut iluaqutigisinnaasat taakkulu kingunerannik pisut imminnut pitsaasumik sunneeqatigiissinnaanerit uani eqqarsaatigineqarnerupput.

Apeqquut 4: Apeqquuteqaat 55/2018 akineqarnerani Naalakkersuisut saqqummiuppaat kollegiani ineqarfiit pisariaqartinneqartut aammalu ukiut qulit ingerlaneranni pingasunut agguataakkamik 1,2 milliardit angullugit amigaateqarnerup matussusernissaanut aningaasartuuteqartoqassasoq. Naalakkersuisut qaqugu agguataakkat siulliat aallartinniarpaat, aammalu qanoq aningaasalerneqarniarpa?

Akissut:

Ukiunut qulinut piffissaq § 37 naapertorlugu apeqquumi nr. 055-2018-imi apeqquummut 2-mut akissummi allaaserineqartup annertuumik saneqqunneqarnissaa Naalakkersuisut ilimaginngilaat.

Aningaasalersuineq eqqarsaatigalugu AI2018-imi qupperneq 142 *“Ingerlatsivinnut 80-89 Sanaartorneq iluarsaassinerlu oqaasertaliussat”* nr. 10-

mi allaqqavoq "Oqaasertaliusaaq aqqutigalugu Naalackersuisut periarfissinneqarput sanaartornissamut aningaasaqarnikkut killiliussat eqqarsaatigalugit ilinniartut ineqarfiinik sanaartornerulernissamut. Illoqarfinni ilinnartoqarfiusuni ilinniartut ineqarfiinik amigaateqarnerujussuaq pissutaalluni ukiuni arlaqaleqisuni ilinniartunut ineqarfiusinnaasunik attartornermut aningaasanik ikinngeqisunik Naalackersuisut akiliisarsimapput. Ilinniartut ineqarfiinut qinnuteqartartussat amerlinissaat naatsorsuutaammat aningaasartuutit taakku ukiuni tulliuttuni amerliartuinnartussaassapput. Taamaammat aningaasanik taakkunannga atuinissaaq aningaasaqarnermut iluaqutaassaaq, taakkulu konto pingaarneq 40.90.15, Ilinniartut ineqarfiinik attartorneq, aamma siusinnerusukkut konto pingaarnerusimasooq 40.01.08, Ilinniartitaanermut tunngasuni immikkoortumut pilersaarut, aqqutigalugit 2017-imi attartornermi aningaasartuutitut akiliutigineqassapput, taakkulu konto pingaarneq 84.40.15, Ilinniartut inaannik sanaartorneq, aqqutigalugu immikkoortinneqarput attartornermik Illuut A/S-imut akiliutissatut tunngavigineqartussatut"

Apeqqut 5: Naalackersuisut ilinniaqqiffissat aammalu kollegiaqarnermut tunngasunik allanik paasissutissiisinaanerlutik?

Akissut: Ilinniartut inaat ilinniarfinnilu sanaartornerit pillugit immikkoortumut pilersaarutit Naalackersuisut maannakkut suliaaraat. Ilinniartut inaat pillugit immikkoortumut pilersaarutit naammassilerput, ilinniarfinnillu sanaartornerit pillugit immikkoortumut pilersaarutit aallarnisarneqarlutik.

Inussiarnersumik inuulluaqqusilluta



Vivian Motzfeldt